



**Javna ustanova Srednja ugostiteljsko-turistička škola**  
**Public institution Secondary school of hospitality and tourism**

Broj: 04-1093-1/19  
Sarajevo, 21.10.2019. godine

Na temelju odredbi članova 4., 5., 8. i 14. Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj: 32/01), te odredbi članova 166. i 167. Pravila Javne ustanove Srednja ugostiteljsko-turistička škola Sarajevo, rješavajući po zahtjevu za pristup informaciji, zaprimljenom pod djl.br.: 04-1093/19 dana 18.10.2019. godine, podnositelja "Ibis Styles Hotel" Sarajevo, direktor donosi sljedeće

**RJEŠENJE**

I - Odbija se zahtjev za pristup informaciji podnositelja "Ibis Styles Hotel" Sarajevo koji se odnosi na dostavu informacija o datumu i mjestu rođenja, JMBG i prebivalištu učenika koji obavljaju praksu u objektu na temelju Sporazuma sa ovom Javnom ustanovom.

**Obrazloženje**

Javna ustanova Srednja ugostiteljsko-turistička škola Sarajevo je dana 18.10.2019. godine, zaprimila zahtjev za pristup informaciji podnositelja "Ibis Styles Hotel" Sarajevo, u kojem podnositelj traži od ove Javne ustanove podatke koji se odnose na datum i mjesto rođenja, JMBG i prebivalište učenika koji obavljaju praksu u objektu na temelju Sporazuma sa ovom Javnom ustanovom, a radi unošenja istih u evidenciju o radnicima i osobama angažiranim na radu podnositelja zahtjeva.

Rad Javne ustanove Srednja ugostiteljsko-turistička škola Sarajevo je javan, te ova Javna ustanova po zahtjevima za pristup informacijama s kojima raspolaze postupaju prema Zakonu o slobodi pristupa informacijama u Federaciji Bosne i Hercegovine. Članom 3. stav (4) navedenog Zakona propisuje se da je osobna informacija - svaka informacija koja se odnosi na fizičku osobu koja se može neposredno ili posredno identificirati činjenicama, naročito uključujući: identifikacijski broj osobe. Članom 11. stav (3) utvrđuje se da ako se zahtjev odnosi na osobnu informaciju, zahtjev pored ispunjavanja drugih uslova u smislu stava 2. ovoga člana, može podnijeti samo fizička osoba na koju se zahtjev odnosi, njen zakonski zastupnik ili osoba koju je podnositelj zahtjeva pismeno ovlastio za pristup informaciji. S obzirom da učenici nisu u radnom odnosu kod podnosioca zahtjeva, te da se radi o maloljetnim licima, ova Javna ustanova cijeni da nema ovlaštenje davati navedene podatke o učenicima, te upućuje podnosioca zahtjeva da podatke traži od navedenih lica uz pisanu saglasnost njihovih roditelja odnosno staratelja. Postupajući po Zakonu o slobodi pristupa informacijama u F BiH ("Službene novine Federacije BiH", broj: 32/01), utvrđeno je kako se ne može odobriti pristup traženim informacijama, odnosno dati lični podaci na korištenje trećim stranama za koju obradu odnosno korištenje ne postoji ovlaštenje odnosno saglasnost nosioca podataka.

Na temelju odredbi članova 4., 5., 8. i 14. Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj: 32/01), te odredbi članova 166. i 167. Pravila Javne ustanove Srednja ugostiteljsko-turistička škola Sarajevo, odlučeno je kao u dispozitivu ovog Rješenja.

**POUKA O PRAVNOM LIJEKU: POUKA O PRAVNOM LIJEKU:** Protiv ovog Rješenja može se izjaviti žalba Školskom odboru u roku od 15 dana od dana njegovog prijema. Žalba se predaje pisanim putem u Sekretarijatu ustanove, ili poštom, kao i podnijeti zahtjev za zaštitu prava kod institucije Ombudsmena Bosne i Hercegovine, Ulica Grbavička broj 4 u Sarajevu.

**DIREKTOR**

*Fatima Hodžić Omerović*

Rješenje dostaviti:

1. Podnositelju zahtjeva
2. Arhiva.